

Uunga siunnersuut:**SIKUKI Nuuk Harbour A/S aamma Nuummi umiarsualiviliorneq pillugit Inatsisartut
inatsisaata allannguutissaatut siunnersuut**
(Sikuki-p nunami sumiiffinni suliaqarfiinik annertusititsineq)**§ 1**

SIKUKI Nuuk Harbour A/S aamma Nuummi umiarsualiviliorneq pillugit Inatsisartut inatsisaanni nr. 17-imi, 3. juuni 2015-imeersumi imatut allannguuteqassaaq:

1. Peqqussutip *qulequtaa* imatut oqaasertalerneqassaaq:

”Sikuki Ports A/S pillugu Inatsisartut inatsisaat”.

2. § 1, imm. 2, imatut oqaasertalerneqassaaq:

”Imm. 2. Ingerlatseqatigiiffiup aqqa tassaavoq Sikuki Ports A/S. Ingerlatseqatigiiffik saniatigut atit allat atorlugit ingerlatsisinnaavoq.”

3. § 1, imm. 4, imatut oqaasertalerneqassaaq:

”Imm. 4. Ingerlatseqatigiiffiup niuerneramik tunngaveqarluni Kalaallit Nunaanni umiarsualivinnik, aammalu nunami atortunik illunillu taakkununga atasunik, taamaalillunilu suliassanik attuumassutilinnik suliaqarnissamut atugassanik sananissaq, pisinissaq, pigisaqarnissaq ingerlatsinissarlu siunertarai.”

4. § 4-p kingorna qulequtaq imatut allanneqassaaq:

”*Sanaartukkat*”

5. § 5, imm. 1, imatut oqaasertalerneqassaaq:

”Sikuki Ports A/S § 1, imm. 4-mi siunertarisami iluani Kalaallit Nunaanni umiarsualivinnik pilersaarusiornermik sanaartornermillu suliaqarsinnaavoq.”

6. § 5-imi imm. 2, atorunnaassaaq.

7. § 6 imatut oqaasertalerneqassaaq:

”§ 6. Sikuki Ports A/S § 1, imm. 4 aamma 5 naapertorlugu ingerlatseqatigiiffiup siunertaasa iluanni illunik sanasinnaavoq pigisaqarsinnaallunilu, taakkunungalu quersuit, sannaviit, allaffiit illutaat il.il. ilaatinneqarput. Illut, kiisalu umiarsualivinni nunaminertat umiarsualivinnik ingerlatsinermut atatillugu attartortinneqarsinnaapput.”

8. § 7, imm. 1, imatut oqaasertalerneqassaaq:

“Naalakkersuisut nuna tamakkerlugu pilersaarusiortarnermi soqutigisat isumagineqarnissaat qulakkeerniarlugu Sikuki Ports A/S-ip Kalaallit Nunaanni nutaanik umiarsualiviornerannut atatillugu kommunimi sanaartorfissagissaanissaq pillugu isumaqatigiissuteqarsinnaapput aningaasartuutinullu akiliisinnaallutik.”

9. § 7, imm. 2, atorunnaassaaq.

10. § 8 imatut oqaasertalerneqassaaq:

”§ 8. Naalakkersuisut nuna tamakkerlugu pilersaarusiortarnermut peqqussummi Sikuki Ports A/S-ip Kalaallit Nunaanni umiarsualivinnik, aammalu nunami atortunik illunillu taakkununnga atasunik sanaartorneranut aalajangersakkanik sukumiisunik akuersissuteqarsinnaapput.

Imm. 2. Naalakkersuisut nuna tamakkerlugu peqqussummik, sumiiffiup ilaata Sikuki Ports A/S-ip umiarsualivinnik nutaanik, aammalu nunami atortunik illunillu taakkununnga atasunik sanaartorneranut, kiisalu ingerlatseqatigiiffiup umiarsualiviutaannik, aammalu nunami atortunik illunillu taakkununnga atasunik alliliineranut atorneqartussanut aalajangersakkanik sukumiisunik kommunimi pilersaarutitut inatsisitigut atuutsitsisoqalissanersoq aalajangiisinnaapput.”

11. § 10 imatut oqaasertalerneqassaaq:

”§ 10. Sikuki Ports A/S siunertaqarfigisami iluani aningaasalersuinissamut taarsigassarsisinnaavoq, tak. § 1, imm. 4 aamma 5.”

12. § 11 imatut oqaasertalerneqassaaq:

” § 11. Allagaatit, taarsigassarsinermut uppersarsaatit, naqitat uppersarsaatillu il.il., Sikuki Ports A/S-ip suliaanut, inatsimmut matumunnga ilaatinneqartunut atatillugu suliarineqartut pisortaniit naqissusiinermut akitsuuserneqassanngillat.”

§ 2

Inatsisartut inatsisaat 1. juli 2026-mi atuutilissaaq.

Namminersorlutik Oqartussat, ulloq x. xx xxx

Naalakkersuisut Siulittaasuut